

ÁŠŠEČILGEHUS

___ Vuoddodokumenta

__x__ Jorgaluvvon dokumenta

Vuorkáášši: 2014/764-40	Vuorká: 141	Áššemeannudeaddji: 'Karin Hætta	Dáhton: 29.05.2017
----------------------------	----------------	------------------------------------	-----------------------

Lávd.ášsenr.	Lávdegoddi	Čoahkkindáhton
	Ovdagotti mearrádusevttohančoahkkin	
	Suohkanstivra	

Lobálasvuodadárkkisteapmi suohkanstivrra áššis 2/17 - Guovdageainnu suohkan - suohkanplána areáloassi.

Diehtu sáddejuvvo:

- Isak Mathis O. Hætta, Klemet Erland Hætta, Ellen J. Sara Eira

Čujuhusat leat:

- Suohkanstivrra mearrádus áššis 2/17
- Lobálasvuodadárkkisteapmi gáibádus beaivádan 23.03.2017, sáddejuvvon Fylkamánnii
- Fylkamánni reive beaivádan 28.03.2017
- Suohkanlága § 59 nr 1 ja nr 2
- Áššebáhpriid sádden suohkanstivrii e-boastta mielde 08.03.17, 13.03.17 ja 18.03.17

Mildosat:

- Duodaštus ahte sádden seammá dokumeantta guvttiin iešguhtet namain
- Suohkanlága § 59 bihtá

Áššečilgehus:

Guovdageainnu suohkan lea ožžon gáibádusa iskat lobálasvuoda suohkanstivrra mearrádusas áššis 2/17.

Ággan lobálasvuodagáibádussii lea čuovvovaččat:

- Áirras Ellen J. Sara Eira ii lean ožžon rievttis áššebáhpriid. Suohkanstivrra 18 eará áirasa gal ledje ožžon rievttis áššebáhpriid, sáddejuvvon e-boastta bokte 13.03.2017
- Ráđdeolmmái čilgii boasttu sáddejumi dainna ahte Ellen J.S. Eira lea áidna áirras gii lea gáibidan oažžut buot áššebáhpriid duššefal sámegillii.
- Áirasiin lea vuoigatvuohta oažžut buot áššebáhpriid sámegillii
- Ellen J.S. Eira guđii čoahkkima dán áššis dan dihte go čilgehus man oáčui manne son lei ožžon boasttu báhpriid čuzii sutnje garrasit
- Evttohuvvui ahte ášši galgai mañiduvvot dan dihte go boasttu báhpirat ledje sáddejuvvon, dán evttohusa hilggui suohkanstivra
- Áššebáhpirat ledje sáddejuvvon gulaskuddamii suohkana álbmogii, muhto duššefal dárogillii, juoga mii lihkku lága Sámelága giellanjuolggadusaid ektui

Guovdageainnu suohkanstivra doalai čoahkkima 23.03.2017 ja meannudii earret eará ášši 2/17 – Guovdageainnu suohkan – suohkanplána areáloassi.

Čoahkkima áššebápirat sáddejuvvojedje vuosttaš geardde njukčamánu 8. beivvi 2017. Oassi áššebápiriin eai lean gárvásat dán sáddemii, muhto mildosat áššái 2/17 sáddejuvvojedje dárogillii buot suohkanstivraáirasiidda.

Dán sáddemis ledje mildosat, áššečilgehussii goappašat gillii ovttaláganat:

- Arealdel – bestemmelser.pdf til sak 2/17
- Arealdel – planbeskrivelse.pdf til sak 2/17
- Markan – bestemmelser.pdf til sak 3/17
- Markan – planbeskrivelse.pdf til sak 3/17

Go dárkkisteimmet áššebápiriid fuomášeimmet ahte dokumeanta arealdel – bestemmelser ja Markan – bestemmelser lei seammá dokumeanta muhto goabbatge namain. Dát divvojuvvui dain dokumeanttain mat ledje suohkana ruovttusiiddus almmolaš geahčadeapmái.

Go sáddiimet daid eará áššebápiriid, dárogillii 13.03.17 ja sámegillii 18.03.17 eat lean bidjan mildosiid, muhto sáddemis dárogillii lea čállojuvvon: *“Vedleggene til sak 1, 2 og 3 er store dokumenter og de av dere som ikke kan mottatt store dokumenter via e-post, kan hente dokumentene på kommunens hjemmeside.”* Virji ruovttusiidui ja suohkanstivrii 23.03.17.

Dát diehtu ii lean čállojuvvon áirasii gii oažžu áššebápiriid duššefal sámegillii.

Rambøl konsuleanta čilgii ášši bures ovdal meannudeapmi álggii. Konsuleanta maid dai vástidii gažaldagaid ovdanbuktima oktavuodas.

Suohkanlága § 59 nr 1 addá vuoigatvuoda gáibidit lobálašvuodadárkkisteami.

Suohkanlága § 59 nr 2 cealká ahte lobálašvuodadárkkisteami galgá ovddidit dan orgánii mii lea dahkan mearrádusa.

Jus orgána doalaha mearrádusas, galgá ášši sáddejuvvot Fylkamánnii.

Árvvoštallan:

Miiddus mii lei sáddejuvvon njukčamánu 8. beivvi lei dađibahábut boastut. Dokumeanttat main lei namma “Arealdel – bestemmelser” ja “Márkan – bestemmelser” lei okta ja seammá dokumeanta go daid lei rahpan lohkat. Goappašagat ledje Márkan mearrádušat. Áirasat, geat rahpe dušše dáid dokumeanttaid, mat ledje njukčamánu 8. beivvi sáddemis, ožžo boasttu mildosiid áššái 2/17. Miiddus “Arealdel – bestemmelser” ii lean sáddejuvvon ovttaga áirasii dán sáddemis.

Go dán fuomášeimmet, de rievdadeimmet sisdoalu dokumeanttas “Arealdel – bestemmelser” suohkana ruovttusiiddus. Dán divodeami maññil ledje ruovttusiiddu dokumeanttat riektá.

De sáddejuvvojedje dat eará áššečilgehusat goappašat gillii, muhto áirasat geat ožžot áššečilgehusaid duššefal sámegillii, eai ožžon dan seammá dieđu, ahte viežžat mildosiid suohkana ruovttusiiddus. Dat lea šállošahtti.

Ii oktage miiddus suohkanplána áššis lean jorgaluvvon sámegillii. Dokumeanttaid lei Rambøl ráhkadan dárogillii ja bargonávccalaš sivaiddi dihte eai lean jorgaluvvon sámegillii ovdal meannudeami. Lea maid dai ekonomalaš gažaldat galgá go dáid mildosiid jorgalit maññil meannudeami. Suohkanis eai leat alddis doarvái giellabargiresursat jorgalit ná stuora fágadokumeanttaid.

Hálddahus lea meaddán go okta dokumeanta oaččui guokte nama, ja ahte go áirras gii oažžu áššebáhpiriid duššefal sámegillii ii ožžon dieđu viežžat rievttis mildosa suohkana ruovttusiiddus. Ledje máŋga lossa ášši mat meannuduvvojedje seammá čoahkkimis, maidda ledje máŋga stuora mildosa. Dat lea čilgehussan, muhto ii fal sивvan manne mildosat eai šaddan riehta.

Dainna duogážiin ahte Rambøl konsuleanta čilgii ášši vuđolaččat ja vástidii suohkanstivrra áirasiid jearaldagaid, ja dulkon lei sámegillii/dárogillii daidda geat dan dárbbasjedje, lei ášši bures čuvgejuvvon ovdal go mearrádusa galggai dahkat.

Lea čađahuvvon risikoanalysa dán hárrái hálddahusas ja doaibmabidju lea ahte buot áirasat dál ožžot buot áššebáhpiriid ja mildosiid goappašat gillii ja ahte buohkat ožžot juste dan seammá e-boastta dán rájes.

Suohkanstivrra mearrádus šattai seammá go ovdagotti evttohus. Eai leat erenoamáš ákkat jáhkkit dan ahte mearrádussii čuhce dat boasttuvuođat mat ledje šaddan, vaikko lea hirbmat šállošahtti ahte buohkat eai ožžon rievttis mildosiid. Dán árvvoštallama duogážiin ii leat vuodđu doavvut ahte áššis šaddá eará boađus jus dat meannuduvvo odđasit.

Mearrádusevttohus:

Suohkanstivra lea čađahan lobálašvuodadárkkisteami mearrádusastis áššis 2/17 ja árvvoštallan ahte mearrádus lea lobálaš. Suohkanstivra doalaha iežas mearrádusa áššis 2/17 23.03.2017 beaivvi. Mearrádus sáddejuvvo Fylkamánii lobálašvuodadárkkisteapmái.